

**www.e-rara.ch**

**Summa iuris canonici comprehensa tribus partibus**

**Strein, Johann**

**Coloniae Agrippinae, 1658**

**Zentralbibliothek Zürich**

Shelf Mark: RRs 50

Persistent Link: <http://dx.doi.org/10.3931/e-rara-31071>

Titulus XII. De congregationibus cardinalium.

---

**www.e-rara.ch**

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

---

**Nutzungsbedingungen** Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

**Terms of Use** This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

**Conditions d'utilisation** Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

**Condizioni di utilizzo** Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

# TITULUS XII.

## De Congregationibus Cardinalium.

**P**lures sunt Romæ Congregationes sub cura Cardinalium, & gubernatione pro rerum & causarum magnitudine, ac multitudine.

*Prima Congregatio* est sancti Officii, seu Inquisitionis contra hæreticos, quæ bis qualibet hebdomada ad deliberandum cogitur, nimirum Feria quarta coram Seniore ejus Congregationis: feria quinta autem coram ipso Summo Pontifice. Plures in ea Officiales servantur. Exosa hæreticis & Libertinis Congregatio, ut quæ fidei simul vindex & errorum sit. Instituta est à Paulo III. & confirmata à Sixto V. *V. Barb. Collect. Decision. Apostol. pag. 156.*

*Secunda Congregatio* pro Episcopis, & Regularibus constituta est. Inter hos si quid de jurisdictione, diocesi, finibus, aliisque controversum fuerit, adjudicatur. Singulis hebdomadis conveniunt. Præses sacri Collegii Decanus esse solet.

*Tertia Congregatio* sanctiones, & Decreta Conc. Frid. interpretatur. Conveniunt apud Seniores Cardinalium, feria quinta, vel Sabbato.

*Quarta Congregatio* Rituum vocatur, quia de moribus Ecclesiæ judicat. Ad canonizationem Sanctorum pertinentia eò referuntur. Semel in mense cogitur, nisi extra ordinem evenierit quicquam. Tunc enim congregantur pro præsentis necessitate in palatio præsidis.

*Quinta Congregatio* fabricæ S. Petri dicitur, quod piarum largitionum curam

habeat è quibus decem partem portionem Ecclesiæ S. Petri attribuit, ut absolvatur incœptum opus. Apud Præsidentem semel qualibet hebdomada conveniunt.

*Sexta Congregatio* fluviorum pontium, & his similibus curam gerit, ut conserventur & reparentur. Pro occurrenti necessitate consilia incunt. Certus ad deliberandum dies minimè constitutus est.

*Septima Congregatio* non multum diversa fontes & compita curat. Caput illius Sacellanus major est, qui cum res urget ad consultandum collegas evocat.

*Octava Congregatio* Indicis librorum est, quia examen, approbationem, & reprobationem scriptorum sibi commendatam habet. Arbitrio præsidis, cum necessarium videtur, conveniunt.

*Nona Congregatio* Cardinalem nepotem præsidem habet. Feria secunda, & sexta celebratur. Argumentum iudicii est, quicquid ad Ecclesiæ statum pertinet. Quatuor aut sex Cardinales: sex vel octo Prælati cum Secretario Senatuum faciunt. Habitu violacei coloris utuntur, & familiares seu commensales Papæ vocantur.

*Decima Congregatio* eodem, quo prior capite regitur. De bono regimine consultat, querelas subditorum, qui fortè premuntur, auscultat, resolutiones, & provisiones supremam cum potestate facit. Apud Cardinalem nepotem, qui præst, conveniunt.

*Vndecima Congregatio* rem nummariam curan-



curando fraudes à Rep. & statu Ecclesiastico depellit, justitiam in lubricis pecuniæ commerciis tuetur. Non certo tempore, sed pro necessitate conveniunt. Quatuor Cardinales, & ex Camera Prælati quidam eo pertinent.

*Duodecima Congregatio* Episcoporum vocatur. In eâ quorundam Religiosorum ordinum Patres, octo vel decem Cardinales, aliive Prælati conspiciuntur. Quibus ipse præest Summus Pontifex. De Episcopis in Italia constituendis agitur. Examine prævio doctrina & virtus exploratur. Clemens VIII. fuisse auctor perhibetur examinare per seipsum solitus, eos cum primis, qui scientiam legalem profiterentur.

*Decima tertia Congregatio* iis potissimum negotiis occupatur, quæ ad Consistoriû pertinent. Cardinalium Decanus præest. nulla lege, præterquam necessitatis conveniunt, ideoque rarùs. Quæ sua Sanctitas proponit, ibi deciduntur, cujusmodi sunt renunciatio Episcopi, fructuum Ecclesiæ, Abbatia consistoriales, & his affinia. In palatio præsidis ad deliberandum congregantur. Intersunt prædictis Congregationibus plures Cardinales, illi potissimum, quæ Episcoporum & Regularium dicitur, ubi viginti quatuor inveniuntur. Suum quæque Secretarium habet, qui acta excipiat. Literas Præses consignat. Literarum apographa Secretarius in Codicem relata conservat. His addenda est *Congregatio de propagandâ fide à Gregor. V.* instituta eo fine, ut media congrua inquirat, impedimenta omnia, & obstacula removeat, fidei ac doctrinæ Christianæ amplificandæ. Quolibet mente feria secunda coram Summo Pont. habe-

tur: sæpius verò in palatio ad id constructo. Ex Cardinalibus plures intersunt, cum Protonotario, Secretario status, & Judice, qui solet esse de numero Referendariorum sancti Officii, ejusdemq; Congregationis Secretarius. Extructum recentior est in campo SS. Trinit. de monte amplissimum palatium pro illis recipiendis, qui ad fidem conversi pietatis causâ in Urbem veniunt. Eodem divertunt Sacerdotes, & Episcopi pauperes, quibus omnibus, quæ ad victum necessaria sunt, largè suppeditantur. Habet præterea Congregatio peculiarem officinam typographicam pro imprimendis Missalibus, Breviariis, aliisque ad fidei Catholicæ doctrinam spectantibus libris. Anno ab hinc tertio præerat Antonius Cardinalis Barberinus. Quando indictum Consistoriû est, alia Congregatio nulla habetur etiam si à Cardinali præside indicta sit. A prandio tamen, quæ ommissa manet, celebratur. Præter hæc omnia tres Archipresbyteri sunt, videl. S. Joan. Lateran. S. Petri, & S. Mariæ majoris, quorû magna dignitas, & potestas Vicarium designant, ex Episcopis, qui reditus ex presbyteratu capit, vel titulo Canonicali. Beneficia omnia ipsi conferunt, Canonicalibus exceptis. Præterea Archipresbyter S. Joan. Later. iuridicundo præest, criminali, & civili eorum omnium, qui circa Lateranum habitant. Tempore Jubilæi Portâ sanctam solenni ritu aperiunt. At Decanus Cardinaliû eâ, quæ S. Pauli est, aperit: & quibus cæremoniis aperiunt primò iisdem suo tempore claudunt. *Claud. Vaure in Curia Romanâ c. 25. V. Barb. collect. Decision. Apostolicar. collectione 210. & seq. Relazione della Corte Romana di Girolamo Lunadoro.*